

Aretxagazeta

ARETXABALETA / Egubakoitza / 2005eko urriaren 28a

399. zenbakia

KOORDINATZAILEA: Mirari Altube • Durana 11 ARETXABALETA 20550 • Tel.: 943 79 86 21 • Faxe: 943 77 18 54 • Posta elektronikoa: aretxagazeta@goiena.com • Lege gordailua: 55378/94

Urkulu urtegi ingurua zaintzen hasiko dira udaltzainak egunotan

MIRARI ALTUBE

Bukatu ditu Foru Aldundiak Urkuluko lanak. Asfaltatu eta txukundu egin du, eta orain Udalaren lana hasiko da. Egunotan jarriko dituzte udaltzainak automobilien joan-etorriak zaintzen. Izan ere, aparkaleuetan bakarrik utz daitezke autoak.

Urkulu ingurua biziberritzeko asmoa dauka Udalak eta Foru Aldundiak egindako lanak lehen pausoa izan dira.

UDALTZAINAK INFORMATZEN

Urtegiaren inguruko ibilbide osoa dago asfaltatuta, zakarrontzi eta eserlekuak jarri dituzte eta laster kirola egiteko guneak ezarriko dituzte. Udalak, orain, murriztu egingo du automobilien sarre-
ra: auzoetako bizilagunak eta langileak bakarrik ibili ahal izango dira. Gainerako guztiek izendatutako aparkaleuetan utzi beharko dute autoa.

Egunotan hasiko dira udaltzainak autoen joan-etorriak zaintzen eta informatzen. Oraindik ez dute isunik jarriko; izan ere, ur arztegi zaharra bota egin behar dute eta ibilbidea ez da itxita egongo. Bizilagunek, gainera, oraindik ez daukate baimenduta daudela esaten duen txartelik.

NATURGINTZA FUNDAZIOAREKIN

Naturgintza fundazioarekin batera dabil lanean Udala. Horretarako lantaldea osatu zuten, eta hantxe elkartzu ziren: Foru Aldundiko Parke Naturalen ordezkaria,



Ur bazterrak txukundu, eta hegaztien behatokia eta oroitarria jarriko dituzte.

Landa Garapeneko ordezkaria, Mankomunitateko Turismo teknikaria eta Naturgintza fundazioa eta Udaleko ordezkariak. Talde horrek Urkulu biziberritzeko lau lan ildo ezarri zituen: ur bazterrak txukundu; Urkulu eta Arantzazu arteko erromes bidea garatu; pinudien ordez bertako zuhaitzak landatu; eta paisaia mantentzeko beharrezko baliabideak eman baserritarrei.

Lehenengo lan ildoak garatzen hasiko dira laster, hau da, ur bazterrak txukuntzen. Proiektu zehatza egin du Naturgintzak eta txostena aurkeztu Udalari. Hark, berriz, 239 mila euro gorde zituen irailaren 12an egindako osoko

bilkuran lehenengo lan horiek egiteko. Hasieran aurreikusita ez egon arren, hegaztiak behatzeko lekua jartzea proposatu zuen Naturgintza fundazioak, baita ur azpian geratu ziren baserriak gogorarazteko oroitarria ere.

DIRULAGUNTZAK

Urkulu biziberritzeko egin beharreko lana handia dela ikusita, laguntza eskatu du Udalak. Hala, Foru Aldundiak bere gain hartu ditu lan batzuk, eta Eusko Jaurlaritzako Turismo Saitetik 99 mila euro inguru jasoko ditu. Euskadiko Kutxak ere 30 mila euro inguru emango dizkio.

Deklamazio saria irabazi zutenek bidaia egin dute

M.A.

Abelino Barriola deklamazio sarian parte hartu eta saria jaso zuten Kurtzebarri eskolako hainbat ikasleek. Joan zen astean saria jasotzea tokatu zitzaion eta bidaia izan dira Nafarroa aldean eta Iparraldean. Beste eskola batzuetako neska-mutilak ezagututa eta ederto pasatuta itzuli dira.

Eusko Jaurlaritzako Hezkuntza Sailak urtero antolatzen du *Abelino Barriola deklamazio saria*. Ikasleei euskaraz erraztasunez eta zuzen irakurtzen irakasteko egiten diren ahaleginei ematen die saria. Lehen Hezkuntzako 3. mailan hasi eta DBHko 2. maila bitarteko ikasleei zuzendua dago. Zazpi ikasgela onenek jasotzen


dute saria, Ipar Euskal Herria ezagutzeko lau eguneko bidaia.

LAGUN BERRIAK

Kurtzebarri eskolako hainbat ikasgela aurkeztu ziren iazko ikasturtean, eta merezitako saria jaso zuten Lehen Hezkuntzako 6. mailako eta DBHko 1. mailako hainbat ikasleek. Hain zuzen, aurreko astean joan ziren bidaietan Nafarroa eta Iparraldera eta oroitzen gozoekin itzuli dira guztiak. Kurtzebarri eskolakoekin batera Alegia, Ondarroa eta Bilboko neska-mutikoak ibili dira bidaietan. Hortaz, lagun berriak egin eta beste euskalki batzuk ezagutzeko paregabeko aukera izan dute. Gainera, rafting, tiro-lina eta izotz gaineko irristaketa egin dituzte beste kirol batzuekin batera.



Nafarroan eta Iparraldean egon den Kurtzebarri eskolako ikasle taldeetxoak.



ZATOZ GURE MUSIKAZ GOZATZERA

Mitarte 9 • Aretxabaleta
Tel.: 943 79 92 01



ANDRA
MARI

Aholkularitza

- Fiskala
- Kontablea
- Juridiko/laborala

Andra Mari Auzunea 3
ARETXABALETA
Tel. 943 79 29 26

Jauregi
Okindegia

Otalora 10
Tel.: 943 79 57 47
ARETXABALETA



MAPFRE
Aseguroak

Errekabarren 3
Aretxabaleta
Tel.: 943 77 11 76

FARMAZIENTXANDA

ZAPATUA, 29
FRAILE. Herriko Plaza, 10.. 943 79 21 99

DOMEKA, 30
FRAILE. Herriko Plaza, 10.. 943 79 21 99

TELEFONOAK

OROKORRAK

- Almen 943 71 49 07
- ARETXAGAZETA 943 79 86 21
- Fara 943 77 18 54
- Basoko 943 77 09 81
- Euskaltegia 943 79 21 68
- Gizarte laguntzailea 943 71 18 62
- Industrialdea 943 79 62 80
- Instituta 943 79 79 00
- Kirol etxea 943 71 26 28
- Kultura etxea 943 71 10 27
- Gazteria sailea 943 71 10 27
- Kurtzebarri Eskola 943 79 00 49
- Kurtzebarri BHI 943 79 57 40
- KZGunea 934 79 94 44
- Liburutegia 943 71 18 62
- Loramendi EE 943 77 09 70
- Ludoteka 943 79 05 81
- Mankomunitatea 943 79 30 90
- Murrutxo ME 943 79 93 74
- Musika Eskola 943 79 36 50
- Osasun etxea 943 71 19 59
- Oralora 943 71 24 06
- Parrokia (bulegoa) 943 79 18 42
- Pausoka Haur Eskola 943 77 03 77
- Postetxea 943 79 28 31
- Basabeazpi ikastola 943 71 21 18
- Taxi geltokia 943 77 12 64
- Udal Bulegoak 943 71 18 62
- Udalzaingoa 943 71 18 63
- Urats Gain 943 79 99 11

UDALZAINGOA

Arasate 943 79 14 39

LARRIALDIK

- SOS Delak 112
- Eskualde Ospitalea 943 03 53 00
- Ertzaletza 943 79 71 99
- Gurutze Gorria 943 76 55 76
- Larrialdiak 943 46 11 11
- Suhiltzaileak (Oñati) 943 78 28 00

MEZAK

ANDRA MARIAREN ZERURATZE PARROKIA
Domeketan: 11:00, 12:00
Zapatuetan: 19:30
Hiletak: 19:00

SANTA RITA
Domeketan: 09:00
Lanegunetan: 19:00

BASERRI AUZOETAN: LARRINO
Domeketan: 12:30.

MENDIOLA
Domeketan: 12:00 (Otoitzaldia bakarrik)

GELLAO
Domeketan: 11:30.

INTERNET

714 erabiltzaile ditu herriko KZguneak, eta 120 berriak dira

M.A.

Markole auzoan dagoen KZguneak 714 erabiltzaile ditu, horietatik 120 berriak, eta 110 lagunek egin dituzte ikastaroak. Dagoeneko antolatuta dituzte azarokoak.

Interneten eguna ospatu zuten martitzenean mundu guztian, baita gurean ere. Gero eta erabiltzaile gehiago ditu KZguneak eta askok egin dituzte ikastaroak.

EMAKUME LANGILEAK

Hilabete baten goizez eta hurrengoan arratsalde zabaltzen dute Aretxabaletako KZgunea. Hala, azaroan, 16:00etatik 20:00etara egongo da zabalik eta abenduan, 09:00etatik 13:00etara.

Aitor Madrid arduradunaren esanetan, goizez zabaltzerakoan batez beste 12 lagun joaten da, eta arratsaldeetan 20tik gora. Izena emandako erabiltzaileak dagoeneko 714 dira, horietatik 120 berriak, eta aurten ikastaroak egin dituztenak 110 inguru: 70ek oinarrizkoa eta 40k aurreratua. 35-45 urte bitarteko emakume langilea da ikastaroetara joan ohi dena, eta erretiratuen artean gizonezkoak dira nagusi.


Irudi digitalen tratamenduaren gaineko ikastaroa antolatu dute hilaren 15etik 18ra

AZAROKO IKASTAROK

Hainbat ikastaro gertatu dituzte azarorako. Egunean bertan egitekoak dira batzuk: posta elektronikoa erabiltzen ikasteko hilaren 2an, ardoaren gainekoa hilaren 4an, etxetik erosten ikasteko 8an, postal bat bidaltzeko 10ean, egunkaria Internet bidez irakurtzeko hilaren 23an, KZguneako foroan gainekoa 25ean, eta finantzen gainekoa 29an eta 30ean.

Interneten oinarrizko ikastaro bi ere egingo dituzte: azaroren 7tik 18ra bitartean lehenengo eta 21etik abenduaren 2ra bitartean bigarrena. Gainera, irudi digitalen tratamenduaren gainekoa antolatu dute: azaroren 15ean eta 16an lehenengo zatia eta 17an eta 18an, bigarrena.

Hortaz, zerbait ikasi gura duenak badu non aukeratu.



Dagoeneko 110 herritarrek egin dituzte KZguneak antolatutako ikastaroak.



Herriko artistek bikain jardun zuten

Joan zen egunean aurkeztu zuen Hiruatx elkarteak Ekuatore Ginean hasi berri duen proiektua. Oilaskoak hazi eta saltzeko kooperatibak jarri gura ditu abian eta horretarako aretxabaletarren laguntza behar du. Hori guztia eta gehiago azaldu zuten Hiruatxeko kideek herriko hainbat artistaren laguntzarekin: Beñat Zamalloa, Akordeoi Orkestrako kideak, Leizarra Musika Eskolako trikitilariak eta Aretxabaleta Abesbatza. Bikain jardun zuten guztiek eta hurreratutako herritarrek oso gustura egin zuten alde. / M.A.

LABUR

Ur, estolderia eta zaborraren hirugarren hiruhilabeteko zergak ordaintzeko epea

Hiruhilabetean behin kobratzen ditu Udalak ur, estolderia eta zaborraren gaineko zergak. Hala, hirugarren hiruhilabetekoa ordaintzeko garaia da, eta horixe adierazten zuen urriaren 24ko GAOk. Herritar gehienei bankuko kontu korrontetik pasatuko die kobratzea Udalak eta horren berri jasoko dute egunotan. Baina badaude eskuan ordaintzea gurago duten batzuk. Horiek 60 eguneko epea izango dute eta udaletxeko bulegoetan ordaindu behar dute. Aipatutako epean ez badituzte ordaintzen, Udalak nahi eta nahi ez kobratuko die eta errekaragua, berandu ordaintzearen ezarritako interesak eta sor daitezkeen beste kostu batzuk gaineratuko dizkie. Zergarekin ados ez dauden herritarrek errekurtsioa aurkez dezakete udaletxeko harreran.

Sinadurak batzeko mahaia jarri zuen atzo, eguna, 18/98+ lantaldeak Mitarte kalean

18/98+ lantaldeak sinadurak batu zituen atzo arratsaldean Mitarte kalean. Eskubide zibil eta politikoen aldarrikapena egin eta eskubide horien alde herritarren atxikimendua lortzea zuen helburu ekimenak. Urriaren 15ean abiatu zen Kaiera Ibiltaria, herritarren ideiak, iritziak eta ekarpenak batzeko, eta azaroren 12a bitartean herriz herri ibiliko da. Hain zuzen, 18/98 auziko epaiketa gero eta hurbilago dago, azaroren 14an has daitekeelako ahozko saioa.



Herriko plaza Aretxabaleta
Tel.: 943 79 09 33

GARBITU S. KOOP

Garbiketa orokorrak

Errekabarren 3- Behea
ARETXABALETA
Tel: 943 79 01 28

Jou Diaz
Harakina

Loramendi 1
Tel.: 943 79 71 69
20550 ARETXABALETA

IRIARTE

Umeen denda
Helduen lentzeria



Durana 8
Tel.: 943 79 10 96
ARETXABALETA

ELKARRIZKETA

VICENTE CALZON/LEHENENGO MAILAKO KADETEEN ENTRENATZAILEA

“Hasi besterik ez dugu egin denboraldia, eta geuk ere hobe dezakegu oraindik”

M.A.

Lehenengo mailako kade-
teak entrenatzen ditu; eta
zela entrenatu, gainera!
Taldea lehenengo dago
sailkapenean partidu guztiak ira-
bazita, eta bigarrenari bost pun-
tuko aldea ateratzen dio. Sei par-
tidutan 30 gol sartu dituzte.

Denboraldia aurrera doa, sei partidu jokatu dituzue eta zeuek zarete nagusi.

Momentuz bai, halaxe da; bai-
na denboraldia luzea izaten da eta
asko falta da oraindik.

Taldea oso motibatuta dago?

Bai, pozik dabilta, eta ondo
ibiliz gero emaitzek lagundu egi-
ten dute. Lotuta daudela esango
nuke ondo ibiltzea eta emaitzak,
eta gainera, batak bestea dakar.

Bigarren sailkatuarekin bost puntuko aldea duzue, ez duzue partidurik galdu, eta gainera 30 gol egin dizkiezue aurkariari. Beste taldeen gainetik zaudete?


Ez nuke halakorik esango. Bi
partidutan sartu ditugu golak,
gainerakoak nahiko justu iraba-
zi ditugu: 2-3, 1-0... Talde onak dau-
de; Ondarroako Aurrera, esate-
rako. Elgoibarrek ere estutu egin
gintuen... Hala ere, arrazoi duzu,
orain arte oso ondo egin dugu lan.
Hala jarraitzea gurako genuke,
baina ikusi egin behar, denbo-
raldiak aurrera egin ahala lesio-
ak hasiko dira-eta.

Hortaz, guztiok pozik...

Bai, momentuz behintzat bai.
Entrenamendu saioetan galde-
tzen diet arazorik izanez gero esa-
teko, eta ez dirudi ezer dagoenik.
Pozik dabilta bitartean, ondo.
Gainera, taldekide guztiek joka-
tzeko aukera izaten dute. Orain
artekoan guztiak dabilta jokatzeko
antzeri, eta ez dut uste kezarik
izango dutenik.

Lehen urtea duzu eurekin?

Bai, gehienekin bai, baina eza-
gutzen ditut asko, Almenen eskola
kirola eman nielako. Orduan ere
oso ondo ibili ziren eta denboral-



Aurten itzuli da entrenatzaile lanetara Vicente eta ezin hobeto dabil bere taldea.

“Taldekide guztiak dabilta jokatzeko antzeri eta ez dut uste kezarik izango dutenik”

di polita egin zuten, eskola kirol-
leko txapelkunak geratu ziren.

Aurten itzuli zara UDARA entrenatzaile lanetan, baina urte asko egin zenituen lehen.

Bai, urte asko egin nituen
mutikoak entrenatzen eta gero
uztea erabaki nuen. Orain dela
bi urte eskola kirola ematen ibi-
li nintzen, eta orain, entrena-
tzaileak falta direla-eta itzultzea

“Hobetu egin dezakegu; hiru taldetako mutilak batu dira eta taldea osatzen gabiltza”

eskatu zidaten. Pena da gero jen-
de falta egotea, baina lan hone-
tan asko daukazu galtzeko eta
gutxi irabazteko.

A ze itzulera...

Bai, baina esandako moduan
hasi besterik ez dugu egin den-
boraldia. Bestalde, guk geuk ere
hobetu dezakegula uste dut; hiru
taldetako mutilak elkartu dira, eta
oraindik taldea osatzen gabiltza.

LABUR

Fran Miguelek irabazi zuen Arrasaten jokatu zuten Xake Bizkorreko Txapelketa

Joan zen egubakoitzean banatu zituzten Arrasate Hiriko Xake Tor-
neoko sariak, eta bide batez Xake Bizkorreko Txapelketa jokatu
zuten. Fran Miguele aretxabaletarrak irabazi zuen, Miguele Nava-
rroren aurretik geratuta. Horrela, Xake Torneoan geratu zitzaion
arantzaxoa aterako zuen Franek; izan ere, Miguele Navarrok ira-
bazi zion azken partida eta 6. postuan geratu zen.

Gipuzkoako Txapelketa jokatzeko dabil, gainera, Fran Miguele.
Bi partida jokatu ditu eta puntu eta erdi dauka.

Hiru pilota partidu jokatu dituzte gaur, 19:00etan hasita, Iturrigorri frontoian

Gipuzkoako Txapelketa aurrera doa eta Aretxabaletako bost biko-
teak hala-hala dabilta. Oraindik, baina, ezin esan hurrengo fase-
ra pasatuko diren. Hainbat partidu jokatu dituzte aste buka-
ran, eta hiru bikotek etxean daukate hitzordua gaur, egubako-
itza, 19:00etan: Uribarren eta Perez de Labeagak Eibarko bikote
bat izango dute aurrez aurre; Akizu eta Gardokik, Loiodi elkar-
tekoa; eta Uriarte eta Oionek, Tolosakoa. Errasti anaiak, ostera,
Tolosara joango dira eta Lasagabaster eta Altzola Bergarara.

Murrukioko piraguak lekuz aldatu dituzte ur araztegi zaharra bota egingo dutelako

Murrukioko Mendizale Elkartek Goroetan dagoen ur araztegi zaha-
rrean gordetzen zituen piraguak. Orain, baina, bota egin behar
dute aipatutako txabola, eta lekuz aldatu dituzte piraguak. Murru-
kixoko piraguismo saileko kideek ez dute erabaki zela antolatu
giltzarena, hau da, non utzi eta ze baldintzatan. Orain arte Azke-
na tabernan izaten zuten, eta erabiltzaileak hara joaten ziren eska-
tzera. Lokal berriko giltzak non utzi erabakitzen dutenean jaki-
naren gainean jarriko dituzte bazkide eta herritarrek.

Gipuzkoako gazte eta kadete mailetako karate txapelketa jokatu dute azaroaren 5ean

Aretxabaletako kirol etxean jokatu dute Gipuzkoako gazte eta
kadete mailetako karate txapelketa. UDAko karate sailak antola-
tu du, eta azaroaren 5ean izango da, zapatua, 16:00etan. Karate tal-
dean 20 neska-mutiko inguru dabilta Odilo Vazquez entrena-
tzailearen esanetara eta hainbatek jardungo dute norgehiagokan.

PARTIDUAK

FUTBOLA
Allerru-UDA
Preferentea.
Domeka.
UDA/Arizm.-Bergara
Bigarren mailako kadeteak.
Zapatua, 10:30 Ibarra.
PILOTA
Aretxab. - Eibar
Hirugarren mailako kadeteak.
Aretxab. - Tolosa
Hirugarren mailako seniorrak.
Egubakoitza, 19:00. Iturrigorri.

EMAITZAK

FUTBOLA
UDA 3 Zestoa 0
Preferentea.
Urki 0 UDA 2
Bigarren mailako erregionala.
Vasconia 3 UDA/Arizm. 0
Ohorezko gazteak.
UDA/Arizm. 1 Amaiak Bat 2
Lehen mailako kadeteak.
UDA/Arizm. 1 Aurrera 0
Lehen mailako kadeteak.
Urki 1 UDA/Arizm. 5
Bigarren mailako kadeteak.
Añorga 2 UDA/Arizm. 0
Ohorezko infantilak.
Eibar 2 UDA/Arizm. 0
Infantil txikiak.
UDA 5 Mondra 1
Alebinak
Arraste/Arizm. 3 UDA/Arizm. 0
Emakumezkoen liga (kadeteak).
UDA 3 Dinamo Hernani 1
Areto futbola.
PILOTA
Aretxab 13-Bearzana 22
Aretxab 22-Bergara 12

PAGALDAI

*Opari denda
Lurrindegia*

Durana 33 • Aretxabaleta
943 79 10 14



*Matikua
jaketxea*

Azata auzoa
ARETXABALETA
943 79 16 68

Karlos

Starakina

Santa Kurtz 5
Tel.: 943 71 25 54
20550 ARETXABALETA

**Dorleta
taberna**

Bezeroen zerbitzura

Loramendi 8
Aretxabaleta
Tel.943 79 94 15